

Ordinaziun davart l'indemnisaziun dals organs e funcziunaris

sin basa d'art. 13 cifra 1 da la constituziun
da la baselgia catolica dal Grischun,
relaschada dal Corpus catholicum ils 24 d'october 1990,
revedida parzialmain ils 12 da november 2003

Art. 1 Corpus catholicum a) indemnisaziun da schurnada

Als commembers dal Corpus catholicum e da sias cumissiums retrain in'indemnisaziun da schurnada da fr. 160.–. Sch'els ston impunder pli pauc che 5 uras, inclus il temp da viadi, han els mo il dretg d'ina mesa schurnada. Il studi da las actas è cumpiglià en quai. Isl commembers da la cummissiun da gestiun survegnan las medemas schurnadas ed indemnisaziuns da las spesas sco ils commembers da la cummissiun administrativa.

Il president dal Corpus catholicum retschaiva in supplement d'in'entira u d'ina mesa schurada.

Als commembers dal Corpus catholicum ch'èn en medem temp commembers dal cussegl grond na vegni betg pajà schurnadas ed indemnisaziuns, sche la radunanza dal Corpus catholicum u d'ina da sias cumissiums ha lieu durant ina sessiun dal cussegl grond.

Art. 2 b) indemnisaziun da las spesas

Als commembers che n'èn betg domiciliads a Cuira, ma en la regiun da Landquart – Castiel – Churwalden – Razén – Tumein na retschaivan nagin'indemnisaziun da las spesas per in mez di, e fr. 30.– per in entir di da radunanza a Cuira.

Als commembers ch'èn domiciliads ordaifer la regiun da Landquart – Castiel – Churwalden – Razén – Tumein retschaivan in'indemnisaziun da las spesas da fr. 30.– per in mez di e fr. 45.– per in entir di da radunanza a Cuira.

Tar radunanzas ordaifer Cuira vala questa regulaziun analogamein.

Sco domicil vala quel lien nua che las scrittiras èn deponidas.

Art. 3 c) indemnisaziun da viadi

Als commembers dal Corpus catholicum e da sias cumissiums vegnan indemnisads ils custs da viadi cun il tren en la 1. classa e cun l'auto postal.

Als commembers, als quals igl è nunpussavel da far in viadi (ir u turnar) cun meds da traffic publics il medem di sco la radunanza, retschaivan

in'indemnisaziun da kilometers tenor las tariffas dal chantun per il diever d'in vehichel privat.

Art. 4 Cumissiun administrativa

Il commembers da la cumissiun administrativa retrain ina schurnada da fr. 300.–. Sch'els dovran per ina radunanza pli pauc che 5 uras, inclus il temp da viadi, han els mo il dretg d'ina mesa schurnada. Per il studi dals actas e la preparaziun da las propostas a la cumissiun administrativa survegnan ils commembers da la cumissiun administrativa in'indemnisaziun da fr. 60.– per ura. Sch'els impundan per questa lavur dapli che 1 ura per seduta, ston els motivar quai e communitgar al post da cumpensaziun sin in formular spezial.

Il commembers da la cumissiun administrativa survegnan plinavant, sco indemnisaziun per l'ulteriura lavur a chasa en connex cun la direzziun dal departament, in fixum da fr. 4000.– ad onn. Il fixum per il president da la cumissiun administrativa vegn determinà da la cumissiun administrativa.

Il commembers da la cumissiun administrativa han ultra da quai il dretg da la medem'indemnisaziun da spensas sco ils commembers dal Corpus catholicum. En cas spezial pon ils custs effectivs vegnir cumpensads. Uschè lunsch ch'igl è pli convegnent da far diever d'in vehichel privat, èsi er pussaivel da pajar empè d'ina bunificaziun dal bigliet in'indemnisaziun da kilometers tenor las tariffas dal chantun.

Art. 5 President e funcziunaris da la cumissiun administrativa

La cumissiun administrativa fixescha las indemnisaziuns per:

- a) il president da la cumissiun administrativa (supplement presidial),
- b) ils actuars dal Corpus catholicum, da la cumissiun administrativa e da la cumissiun da recurs,
- c) il cassier,
- d) prestaziuns spezialas dals organs da la baselgia catolica dal Grischun e per incumbensas spezialas.

Ella infurmescha il Corpus catholicum da l'autezza da quellas indemnisaziuns.

Art. 6 Cumissiun da recurs

Il commembers da la cumissiun da recurs obtegnan la medema schurnada sco ils commembers da la cumissiun administrativa. Il president retschaiva in supplement d'ina schurnada.

Art. 7 Index

En cas che la chareschia surpasa 10% tenor l'index dals pretschs da consum, po la cumissiun administrativa adattar las tariffas a la nova situaziun.

Art. 8 Entrada en vigur

Quest'ordinaziun va en vigur cun l'approvaziun entras il Corpus catholicum e remplazza las ordinaziuns dals 18 da november 1980 e dals 5 da december 1984.